

輪提陀品第四（淨除十七偈）

我昔往詣寺	見地不淨處
即取其掃帚	便掃彼寺舍
竟觀寺清淨	心中甚忻踊
令我無垢塵	如此寺舍淨
用是功德故	在在所生處
面色和悅姝	端正難可比
其餘之福祚	於是最後世
父母則名吾	號曰為淨除
我於親族中	生時亦清淨
一切所愛敬	見者無厭極
值得見正覺	導師而無上
已成阿羅漢	清涼而滅度
我之所志願	使吾無垢塵
今無垢羅漢	無漏所作辦

假令掃除是	普天下使淨
不如為離欲	除掃所經行
假掃除天下	道人經行處
不如四方僧	掃除一步地
設復掃除是	滿天下精舍
不如於佛寺	掃除一步地
我身所造福	以是知差特
當掃除佛寺	其心懷欣踊
以此曉知之	等覺道德高
當供事佛寺	獲其祚甚大
唯君吾識念	昔曾所作善
以致彼果實	可意安隱樂
是故為佛寺	好淨心供事
唯仁此第一	福田無有上
於是能供事	得安而無量
皆為破壞除	一切姪怒癡

不輕空心悅  
向如來正覺  
如是輪提陀  
阿耨達大池

得福薄少乎  
及諸佛弟子  
在諸比丘前  
自說本所因